

Daegcangh

特

长

□ Lingz Siuyangh / 凌秀香

“Mwngz seizlawz dauq dieg raeuz ne?”

“Gou dauq ndaej sam bi lo.”

“Vihmaz mbouj lwnh gou rox ni?”

“Mbouj ndei eiqsei gaujyauj lingjdauj!”

“Ced meh mwngz! Gangj yiengh-neix.”

Daegfuk riuhehe, yaengx fwngz vix coh gwnz ciengz seiqlengq, naeuz: “Yawjyawj gij saw veh gou, mwngz gyaез fuk lawz?”

Aen diemq neix gvangq aiq miz roek mij, raez cibhaj mij. Sam fuk ciengz venj rim saw veh cangbiuj ndei. Hunghung iqiq, miz ngeihcib caet fuk, fukfuk ndeiyawj, fukfuk daihheiq. Cihсaw byaijbit rengz doh, cih hab ndongj couh ndongj, cih hab unq couh unq, ndongj lumj gang, unq lumj raemx, yawj ndaej ok bouxraiz goengдаej laeg. Daegcaiz baenz fuk baenz fuk bae cimyawj, yawj ndaej maezmwdmwd.

Daegcaiz hix haeujsim gij gyaq-cienз gwnz saw veh, ceiq noix seiq bak betcib maenz, ceiq lai fanh song cien bet bak maenz. Gak fuk gag miz daegsaek, Daegcaiz caen naeuz mbouj ok fuk lawz ndei, fuk lawz yaez. Mboujgvaq miz fuk ndeu supyinx Daegcaiz daegbied haeujsim.

Fuk saw veh neix gvangq mij he, sang miz mij haj, ndawde cij miz cihсaw ndeu ndwi, dwg cih “foux”. Cih neix gig daegbied, yienghsiengq lumj dahsien diuqfoux nei. Seizneix Daegcaiz lumj raen dahlwg cingq diuqfoux hawj de ngonз nei. Dahlwg Daegcaiz gyaез diuqfoux, caemh diuq ndaej ndei raixcaix. De bineix doeg daihhag it nienzgaep, dwg boux hagseng hag yisuz.

Daegcaiz bongx mbaq Daegfuk naeuz: “Baenz canghsijveh lo, caen ak! Gij gojgaeq mwngz haengjdingh ndeidingq, lwnh gou nyi vei.”

Daegfuk heuh Daegcaiz naengh henz congз, de din fwngз riengjret sousib gij bit, maeg, ceij gwnз congз, gaenriengз cawj caz, songde doq gwn caz doq gangjgoj.

Daegfuk naeuz: “Miz ngoenz ndeu, gou roengз mbanj sou huqrwix, sou ndaej fuk sawveh gaeuq ndeu. Gij cihсaw ndawde caen ndeiyawj, gou deng maez dwk lo, couh dawз de yo ndei, baeз ndaejhoengq couh hai daeuj ngonз. Ngonз lai le, fwngз humз lo, couh ra bit ra ceij daeuj riengз raiz, baeз dem baeз raiz, cig daengз raiz ndaej doxlumj gou cij gamsim. Mbouj rox mbouj nyinh gou gaenq gyaез hwnj suhfaz lo. Gou cawx sawsijveh daeuj lienh raiz, yied lienh yied hwnjyinx. Lihь mbouj daengз……”

“Daengx gonq.” Daegcaiz daj-duenh gij vah Daegfuk, “gou fwt siengj ndaej hwnj lo, siujyoz lauxsae haenh mwngз raiz saw ndeiyawj gvaq, cuhcunh lauxsae hix haenh gvaq.”

“Lumjnaeuz miz saeh neix gvaq ni.” Daegfuk riuhehe naeuz.

“Gizsaed, saw veh dwg gij daegcangh mwngз, mboujgvaq ngaiz mwngз maizmued baenzlai bi. Gij daegcangh bouxvunз baeз dok ngaz, caiq ndeindei ganq de, doeklaeng couh baenz faex hung lo.” Daegcaiz naeuz.

“Deng deng, mwngз naeuz ndaej deng!” Daegfuk ngaekngaek gyaеuj, “youq aen yienh iq bien’ gyaе haenx hai aen bouq sou huqrwix cibgeij bi, rom ndaej di cienз he. Bi 2016, gou couh daiq lwg daiq yah dauq ranзcoj lo. Bi 2017, miz vunз lwnh gou nyi, naeuz diuz Gaibouxmiz ndaw yienh miz vunз yaek gai ranз. Gou couh loeklak cawx ndaej aen ranз neix, caemh loeklak hai ndaej aen bouq gai saw veh neix. Vunз lajmbanj gyaез daeuj caeuq gou cawx doiq, gou loengh mbouj cingcuз dwg gou gai cienh roxnaeuz dwg cihсaw gou ndeiyawj. Gij saw veh cangbiuj ndei gou, hix haemq ndei gai, miz hag-dangз, ngaenzhangз, diemqlaeuз hung, gunghswь daengj daeuj cawx. Gwq-nduj yaek hai aen bouq neix seiz, gou hix sim gwnз sim laj, lau gaicawx mbouj ndei. Lihь mbouj daengз, seng’eiq haemq ndei, saedceij hix suenq gvaq ndaej bae.” Daegfuk naj riunyumj naeuz.

“Goenghoh mwngз!” Daegcaiz naeuz.

Daegfuk youh naeuz: “Seizneix bohmeь gou hix daeuj riengз gou caemh youq. Reihnaz ndaw ranз bau hawj vunзmbanj guh lo. Daeglwг gou bineix cuhcunh sam nienzgaep, raiz saw caemh ndeiyawj dangqmaz. De di daegcangh neix gou mbouj ndaej hawj de maizmued, engq mbouj ndaej hawj de lumj gou nei gwn caenh gij haemzhoj mbouj miz vwnзva. Ceiq dwgriu dwg mehyah gou, de naeuz: ‘Mwngз hai aen bouq neix, gou di ndeu cungj bang mbouj ndaej mwngз, youq ndwi youh youq mbouj baenz, mwngз lingh hai aen bouq sou huqrwix hawj gou dajleix ba.’ Gou naeuz: ‘Hai bouq yungzheih, mboujgvaq huqrwix miz mbaeu miz naek, gaiq naek mwngз gwed mbouj ndaej.’ Mehyah gou caen dwggyaез. Mwhhaenx roengз mbanj bae sou huqrwix, souhaeuj ceiq hung couhdwg sou ndaej mehyah neix. Meh neix beizheiq unqсwnh, gaenx guh, riengз gou gwn hoj gwn haemз

baenzlai bi. Seizneix hawj de youq ndwi, de naeuz youq ndwi lai ndok ndang in, couh riengз mehsimj ranз-nden bae hawciengз dajgoeng. Mwngз naeuz de ‘goetcienh’ mbouj?”

Daegcaiz naeuz: “De ‘goetcienh’ mwngз ndaej fukheiq. Seizneix mwngз gaenq dwg boux canghsawveh lo, gya haeuj yen vwnзlenз saw veh hezvei ba!”

Lihь mbouj daengз Daegfuk dingq le ngeizvaeg lo.

Daegcaiz cam: “Mbouj nyienh gya haeuj ha?”

Daegfuk dauq cam: “Maz heuh-guh yen vwnзlenз saw veh hezvei?”

Daegcaiz naeuz: “Ndawde miz eufwen hezvei, ingjsiengq hezvei, vwnзyoz hezvei, saw veh hezvei daengjdaengj. Couhdwg naeuz dawз gij vunз gyaезmaij doxdoengз rox-naeuz daegcangh doxdoengз comз hwnjdaeuj, fuengbienh daihgya dox-hag, doxgyauliuz, saekseiz daihgya comз guh hozdung.”

“O, yienghneix ya! Gou dungx mbouj miz caiz, lumj duз gungqsou laj gap nei, hawj mwngз riu gou lo.”

Daegcaiz naeuz: “Mbouj miz maz ne.”

Daegfuk naeuz: “Geijcib bi gvaq-daeuj, gou cij goq gij fwнз haeux youз gyu ndaw ranз ndwi, mbouj miz cinglig bae dawз yiengh wnq haeujsim, youh noix caeuq vunз baedauq, nanzgvaiq baenz vunзhuk ndwi.” De gangj sat ngauзngauз gyaеuj.

“Baenz canghsawveh ak ndeu lo, lij dwg vunзhuk la?”

“Canghsawveh aen coh neix dwg mwngз an hawj gou bw, caengз miz boux wnq cingзnyinh nw.”

“Danghnaeuz mwngз mbouj miz caen goengfou, gou gamj luenh an coh hawj mwngз ha?”

“Mwngз gaej haenh gou lo, gou dingq le ndang hwnj naenggaeq.”

“Goetcienh! Haenh mwngз coenz song coenz, mwngз couh youq mbouj cwxcaih. Mboujgvaq, vah youh gangj doxdauq nw, gya haeuj le, miz maz hozdung aeu mwngз camgya mwngз aeu bae nw, dajbeij, vwnзlenз ndaw yienh roxnaeuz ndaw singз gawjhengз gij doxdax saw veh, mwngз aeu dawз coзbinj bae camgya. Linghvaih, moix bi lajcieng, vwnзlenз cujciz canghsawveh roengз mbanj bae vih vunзmbanj raiz doiq, mwngз aeu gaenx bae nw, couhcinj mbouj miz ngaenzhong hix aeu bae.”

“Aiya! Gou laihnaeuz dwg maz saeh hoj ne, di saeh neix gou seizseiz guh ndaej daengз. Hai diemq song bi nduj lajcieng, gou bibi dawз doiq

dauqbae soengq hawj vunзmbanj, mbouj aeu saek faen cienз. Cijaeu gyoengqde mbouj yiemз doiq gou, gou couh simhai. Haeuj bineix daeuj, vunзmbanj daeuj haw swnhbienh daeuj diemq gou aeu doiq. Gyoengqde naeuz ‘Aeu ndwi cixbah lij hawj mwngз soengq daengз mbanj dem, mbouj ndei eiqsei nw’, ndigah daeuj diemq gou, lij caeuq gou roxnaeuz bohmeь gou gangjgoj saek yaep. Mboujgvaq vunзmbanj yied daeuj yied guhhek lo, moix baeз daeuj aeu doiq, cungj gag ce haj maenz cib maenz youq gwnз congз, naeuz bit, maeg, ceij hix aeu sai ngaenz cawx, mbouj ndaej hawj gou diep bonj.”

Daegcaiz naeuz: “Vunзmbanj doengheiq, wnggai yienghneix. Ai! Ngaenzcienz vwnзlenз noix raeuh, moix bi roengз mbanj bae raiz doiq, cungj mbouj miz ngaenzhong hawj gyoengq canghsawveh, cij ndaej hawj gyoengqde gwn donq haeuxringз ndeu, lienз haeuxcaeuz lij mbouj miz banhfap anbaiz, caen dwg doiq mbouj gvaq gyoengqde, vihneix gou roxnyinh najmong dangqmaz.”

“Mwngз gaej yienghneix gangj. Ndaej vih beixnuengx lajmbanj guh di saeh, gyoengq canghsawveh hix sim-gyaез simhai hw!” Daegfuk naeuz, “yawj gij saw veh gou, mwngз ceiq gyaез fuk lawз?”

Daegcaiz naeuz: “Fukfuk cungj ndeiyawj, cungj gyaез.”

Daegfuk naeuz: “Cungj miz fuk song fuk ceiq habhoz ba?”

Daegcaiz naeuz: “Gak fuk gag miz daegsaek, caen naeuz mbouj ok fuk lawз ndei fuk lawз yaeз.”

Daegfuk naeuz: “Mbouj ndaej, aeu naeuz fuk ceiq ndei.”

Daegcaiz mbouj miz banhfap couh vix coh fuk cih ‘foux’.

Daegfuk naeuz: “Soengq hawj mwngз lo.”

Daegcaiz naeuz: “Docih, hoeng gou mbouj ndaej aeu ndwi.”

Daegfuk naeuz: “Yiemз ca luba?”

Daegcaiz naeuz: “Mbouj dwg!”

Daegfuk naeuz: “Gaej caeuq gou guhhek! Mwh gou boihseiz seiz, mwngз mbouj yiemз gou gvaq. Ngoenzneix gou itdingh aeu soengq mwngз fukveh, cijaeu mwngз yawj ngamj!”

Song cenj caz bungq itheij!

Daj baeзде hwnj, baeз miz gij doxdax saw veh, Daegfuk ca mbouj geijlai baeзbaez ndaej ciengj. Gvaq-laeng, Daegfuk caeuq Daegcaiz song boux hujgeiq caemh baenz boux-vunзcaiz haemq mizmingз ndaw singз.

(2 sat)